

Youq mwh gou lij caengz daengz maez hauej yaemz bya gaxgonq, Vangz lauxsae cungj dwg yungh faexset bae yaemz bya. De dwg yungh bakset meizvah ngaue, gijde dwg yungh cibgeij fag bakset daeuj cug baenz roix ndeu, moix baez yungh ndaek ngaueh hung lumj gaemxgienz nei. Gou rox yaemz bya le, de hix hag rox yungh ngaueh bae yaemz bya lo.

Miz baez ndeu, singhgiz roek, gou riengz Vangz lauxsae bae daengz mbanjlaj aen huz he bae yaemz bya. Gizhaenx gyawj mbanj, ciengzciengz dingqnyi gaeq haen ma raeuq. Vangz lauxsae heuz ndaek ngaueh yaek yaemz bya homfwtftw, nyex ndaej gij ma mbanj de ngah daengz myaiz lae bae, cungj siengj daeuj caeg gwn gij ngaueh yaemz bya. Mwh banringz, Vangz lauxsae gaenq dawz gaemz ngaueh yaemz bya he heuz ndei duk hauej bakset bae yaek vut roengz ndaw dah bae yaemz bya lo, hoeng de sawqmw h nyouh haenq lai, cij ndaej bae ra dieg oknyouh gonq.

Swnh de mbouj youq, miz duz mahenj ndeu mbouj rox daj gyawz bongh okdaeuj caeg gwn gij ngaueh yaemz bya, dinglingz gwn dawz hauej ndaek ngaueh duk hauej bakset bae, deng bakset coeg hauej bak ndaet-ndengndeng bae, in ndaej duz ma de saet hauej ndaw nya henz dah bae rouxringx hwnjdaeuj, swenjyauyau, beng ndaej aen lingz faexset Vangz lauxsae hongz “rungrang rungrang” hwnjdaeuj, diuz faexset de goz lumj aen gung nei, lumjnaeuz yaemz ndaej duz bya hung lawz nei.

Seizneix, Vangz lauxsae oknyouh ngamq dauq, yawjraen fag faexset de baenzneix, de laihnaeuz dwg duz bya hung lawz caeg gwn gij ngaueh lo, doq gaem faexset doq sou mae fid hwnjdaeuj, doeklaeng yaemz hwnj duz ma geq ndeu, duz ma haenx lij gyaenfofo, lwgda daengx couh Vangz lauxsae, manz lumj duzguk nei, rig heuj yaek haeb vunz. Vangz lauxsae doq ndaq hwnjdaeuj: “Ced meh mwngz auq, yaemz bya mbouj ndaej cixbah, dauq ndaej duz ma geq ndeu……”

Yaemz Ma

钓 狗

□ Vangz Gijveiz / 黄启维

Duz ma haenx riengz de doxbeng hwnjdaeuj, gyoengq mehmbwk youq henz dah guhsaeg haenx yawjraen le, cungj riu hwnjdaeuj gyuk haha, gou hix riu dwk ndawdungx saej doxgeuj bae, gyoengq mehmbwk guhsaeg haenx riu naeuz Vangz lauxsae daeuj yaemz bya yaemz ndaej duz ma ndeu,

caen dwg mingh ndei lai ha, daj seizgeq roengzdaeuj caengz raen byawz yaemz ndaej duzma gvaq.

Vangz lauxsae yaek riu mbouj ndaej yaek daej mbouj dwg, de caeuq duz ma haenx doxbeng ndaej hanh sinz hanh conh caez, gwnzndang buh dumz liux, de gejlai siengj sou roix

ngaue meizvah de dauqma ha, roix ngaue haenx de haemhlwenz sai haujlai goengfou cij cug baenz ne, hojsik lai lo. Youh lau deng duz ma neix haeb, mbouj dij, cijndei yungh gyauejien lej diuz mae set goengq bae hawj duz ma de buet deuz lo. Ndaw bak Vangz lauxsae lij mbouj dingz nambyoedbyoed naeuz: “Duz mahenj ced meh mwngz, duz ma dairaq neix……”

Gyoengqvunz youq henz dah cungj riu ndaej saej yaek doxgeuj bae, daj seizhaenx hwnj, gyoengqdou maij yaemz bya couh au aen mingzcoh “boux saefouh yaemz ma” ndeidingq neix daeuj heuh Vangz lauxsae lo.

Ha ha, “boux saefouh yaemz ma” aen mingzcoh neix gejlai ndeidingq ha! Neix dwg gienh saeh gig mizyinx Vangz lauxsae duiyouh le, youq ndaw doengh boux yaemzset gyoengqdou cienz bae cienz dauq, doeklaeng cienz ndaej gig gya, baez dwen daengz cungj roxnyinh ndeiriu raixcaix. (2 sat)



Ndaw bya heuswd miz aen mbanj hung ndeu.

Lungz Dauh ingj

49. Gwnz gaiq vax,
Laj gaiq doengz,
Baenzbi hix nanz youq ndaw boengz.
(Sae)

50. Aen mboenj haj rwz,
Mbouj cang ceh byaek cix cang ceh gwz.
(Maknim)

51. Song aen gyaq ndaw bat,
Miz aen ndat aen liengz.
(Daenggoenz Ronghndwen)

52. Cam:
Duz lawz mbouj lau fwn,
Youh aemq aen buengz vaih?
Duz lawz baenz leixhaih,
Aeu gyauej raih ra gwn?

Hoiz:

Duzfw mbouj lau fwn,
Ngoenzhwnz aemq buengz vaih.
Aen sae cei q leixhaih,

Vah Duenz

谜 语

□ Soucomz Cingjeix Veiz Daz

Aeu gyauej raih ra gwn.

53. Cam:
Duz lawz gwnzmbwn mbin,
Banngoenz mbouj raen naj?
Duz lawz ndoj laj dah,
Raek cax mbouj liz ndang?

Hoiz:

Duz rumzvaiz rox mbin,

Banngoenz mbouj raen naj.
Duz bya' ndoek ndaw dah,
Raek cax mbouj liz ndang.

54. Cam:
Duz lawz mbouj miz ga,
Bongh gvaq bya gvaq rij?
Duz lawz baenz geizheih,
Ok gyaq cien daj cien?

Hoiz:

Duzmoed nyaq yienz nyaq,
Ok gyaq deihyinzyinz.
Duzngwz mbouj miz din,
Rox bin faex gvaq dah.

(6)

